

Paerewa Paetae

Aronga	Ngā Toi Puoro 1.6		
Ingoa	Te tautohu i ngā āhuatanga matua o tētahi toi taketake i roto i ngā toi puoro		
Kaupae	1	Whiwhinga	4
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Ngā Toi		
Mana rēhita	Kua rēhitatia	Te rā i mana ai	12 Hakihea 2013
Te rā e arotakengia ai	31 Hakihea 2020	Te rā i puta ai	12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Toi Ataata

*Ka tūhura hōhonu, ka rapu mātāpuna whakahihiri, ka tautohu, ka whai māramatanga:
[tūhura] i ētahi ariā whakamahi i te hangarau;
[mahi] hei whakamahi tōtika i ngā taputapu hei whakawhitiwhiti whakaaro;
[maioha] ki te kunenga me te tūhuratanga a ngā kaitoi.*

Ngā Mahi a te Rēhia

*Ka tūhura, ka whakamahi, ka whakawhanake mōhio, ka whakamārama:
[tūhura, mahi, mōhio, maioha] i tā te tinana me te reo whakatau i roto i ngā horopaki
huhua.*

Toi Puoro

*Ka tūhura, ka hanga, ka hanga ariā, ka whakaatu:
[tūhura, mahi, mōhio, maioha] i ngā horopaki o ngā tūmomo puoro me ētahi mahi e hāngai
pū ana ki aua horopaki.*

E hono ana ki te Papa Whakaako mō Ngā Toi kei te pae ipurangi nei:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>.

Paerewa Paetae

<p>Paetae Te tautohu i ngā āhuatanga matua o tētahi toi taketake i roto i ngā toi puoro.</p>	<p>Hei tohu i te paetae:</p> <ul style="list-style-type: none"> • Ka whakatauirā i ngā āhuatanga matua o tētahi toi taketake ki roto i tētahi mahi toi nāna ake.
<p>Kaiaka He kaiaka te tautohu i ngā āhuatanga matua o tētahi toi taketake i roto i ngā toi puoro.</p>	<p>Hei tohu i te kaiaka:</p> <ul style="list-style-type: none"> • Ka whakawhānui i ngā whakaaro mō ngā āhuatanga matua o tētahi toi taketake. • Ka whakamāori i ngā tikanga o ngā āhuatanga matua o te mahi toi. • Ka whakamārama i te takenga mai o te mahi toi taketake.
<p>Kairangi He kairangi te tautohu i ngā āhuatanga matua o tētahi toi taketake i roto i ngā toi puoro.</p>	<p>Hei tohu i te kairangi:</p> <ul style="list-style-type: none"> • Ka whai māramatanga ki ngā āhuatanga matua o tētahi toi taketake. • Ka puta ngā taha rerehua kia rere pai ai ngā mahi. • Ka tau te whakamāori i ngā momo pūkenga, ngā huānga, ngā tukanga, me ngā āhuatanga matua kei ngā mahi toi, kia hāngai ai ki ngā horopaki huhua noa.

Kōrero Āpiti

E whai ake nei ko te whakamāramatanga o ngā kupu whaitake, kīanga rānei:

ngā āhuatanga matua o tētahi toi taketake	Ngā kōrero tūturu e hāngai katoa ana ki te toi taketake.
ka whakatauirā i ngā āhuatanga matua o tētahi toi taketake	Ka whakaritea ngā taurā toi kia mārama te āhuatanga o te toi taketake.
ka whakamāori i ngā tikanga o ngā āhuatanga matua	Te āta whakamārama i ngā kōrero tūturu e hāngai katoa ana ki te toi taketake.
ngā taha rerehua	Te wairua, te mana, te ihi, te wana, te wehi, te mauri.

Kuputaka:

āhuatanga matua
huānga
toi taketake
whakatauirā
whakawhānui

main features
elements
indigenous arts/indigenous art forms
exemplify
elaborate

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233